



PRIMÈRE SKOOL UNIVERSITAS

2016-11-30

Beste Tjokkie-ouer

Na aanleiding van die Begrotingsvergadering wat op 8 Nov 2016 gehou is, gee ons die volgende belangrike inligting aan u deur.

1. SKOOLGELD 2017

Die Beheerliggaam het tydens 'n ouervergadering wat op 8 November 2016 in die skoolsaal gehou is, die begroting aan die ouers voorgelê. Na deeglike bespreking het die ouers wat teenwoordig was die begroting en die voorgestelde skoolgeld, eenparig aanvaar en goedgekeur.

Die skoolgeld vir 2017 beloop R9130 per leerder per jaar en is ten volle betaalbaar voor of op 3 Februarie 2016. As 'n vergunning kan u die skoolgeld as volg betaal.

- Een paaiement van R8470 voor 3 Maart 2017 (R660 korting)
- Elf paaiemente van R770 per maand, indien u per debietorder betaal. (Tydperk 7 Febr. - 7 Des)
- Indien u op enige ander wyse betaal, beloop skoolgeld R830 per maand oor elf maande vir 'n totaal van R9130 per jaar.
- Let daarop dat skoolgeld in die toekoms oor elf maande gehef word. Die uitgawes vir die tydperk van November tot Februarie het te veel geword en ons ervaar kontantvloei probleme. Die ouers het tydens die begrotingsvergadering toestemming aan die BL gegee om die reëling in te stel.

DEBIETORDERVORMS

- Bestaande debietorders bly geldig en u hoef nie nuwe vorms vir 2017 te voltooi nie. Die aanpassing sal outomaties gedoen word
- Nuwe ouers wat nie verlede jaar in Tjokkies of Tjokkies Preprimêr was nie en wat per debietorder wil betaal moet 'n debietorderform invul en nie later as Woensdag, 11 Januarie terugbesorg, sodat dit nog betyds by die bank kan deurgaan. Debietorderforms is by die kantoor of op die webblad beskikbaar.
- Alle ouers wat nog nie per debietorder betaal nie word aangemoedig om die opsie te oorweeg, daarom die korting van R60 per maand of R660 per jaar.
- Debietorders hou vir die skool die voordeel in dat skoolgeld stiptelik en op 'n gereelde basis oorbetaal word, en dit vergemaklik ons administrasie geweldig. Verder help dit ons om ons maandelikse verpligting stiptelik na te kom.

ANDER BELANGRIKE SAKE:

- Indien enige paaiement nie gemaak of suksesvol deur die bank betaal is nie, is die totale uitstaande skoolgeld onmiddellik betaalbaar. Indien 'n debietorder nie deurgaan nie sal u vir die ekstra bankkoste aanspreeklik gehou word.
- Skoolgeld is betaalbaar voor of op die 7^{de} van elke maand.
- Vir ouers wat op die 15^{de} salaris ontvang, is die keurdatum die 20^{ste} van die maand. **Dit is egter belangrik dat u ons finansiële beampte hiervan in kennis sal stel en die nodige reëling maak.**
- Alhoewel skoolgeld verpligtend en afdwingbaar is, maak die Skolewet voorsiening vir korting of kwytskelding. Ouers wat nie skoolgeld kan bekostig nie, kan ooreenkomstig die Skolewet aansoek om korting of kwytskelding doen. Aansoekvorms is by me Beulah du Plessis (sekr) beskikbaar en

moet voor of op **8 Februarie 2017** ingehandig word. Aansoeke wat laat is of waarby nie die nodige bewyse aangeheg is nie, sal nie in aanmerking geneem kan word nie.

- **Ouers moet elke jaar heraanzoek doen vir korting of kwytstelling, aangesien u omstandighede kon verander het.**
- **Die Regulasies vir korting of vrystelling van skoolgeld, wat deur alle ouers voltooi moet word, word saam met die eerste nuusbrief in Januarie 2017 aan u gestuur.**
- Die begroting en 'n uittreksel van die Skolewet rakende korting is by die skool beskikbaar sou u belangstel om insae daarin te hê.

2. KONTANTVRYE SKOOL (Veral nuwe ouers moet kennis neem)

Die hantering van groot bedrae kontant skep 'n veiligheidsrisiko, vir kinders en personeel, en derhalwe is besluit om 'n kontantvrye skool te wees. Baie dankie dat u hierdie reëling respekteer.

Hoe nou gemaak?

- Die maklikste is om 'n debietorder te reël. Indien u nie per debietorder wil/kan betaal nie, is daar heelwat ander wyses van betaling soos bv.
 - ✓ Internetbetaling
 - ✓ Bankdeposito
 - ✓ Kitsbank oorbetalings
- In die geval van 'n kitsbank moet u eenmalig met u bank reël om die skool as begunstigde te koppel. Die oorplasing van geld is so maklik soos enige ander kitsbanktransaksie.
- **Dit is ook belangrik dat u in al bogenoende opsies u kind(ers) se name en skoolrekeningnommer vermeld, sodat dit op die skool se bankstate verskyn. Skakel die kantoor vir u kind se rekeningnommer.**
- Ander vrywillige nie-kurrikulumgelde soos middagstudiegeld en toergeld moet ook by wyse van bogenoemde opsies betaal word. Indien ons nie die gelde ontvang nie sal die dienste nie kan voortgaan nie.
- **U kan ook reël dat middagstudiegeld saam met die skoolgeld per debietorder afgetrek word. Middagstudiegeld is R660 per kwartaal vooruitbetaalbaar. Indien u dit oor 11 maande saam met skoolgeld betaal is dit R240 pm.**
- Klein bedrae soos foto-, uitstappiegeld, ens. sal seker moeilik uitgeskakel word, maar ten minste hanteer ons geen groot bedrae geld nie. Alle bedrae meer as R50 moet direk inbetaal word.

Die bestuur van die skool bedank u vir die jaar se ondersteuning en wens u 'n skitter en geseënde 2017 toe.



.....
Wille Burger
Voorsitter vd Beheerliggaam



.....
nms Johannes Kriel
Voorsitter v d Finansiële-komitee